

西寧縣志卷之九

人物志

里有旌坊有表所以云風也風也者入物而物莫能名焉之謂也人物之有志也準乎旌表先達之賢者書之子之孝者書之婦之節烈者書之管毫之權上比絲綸嚴矣哉寧志所記十九士夫而李孝子何楊朱劉程節烈亦與焉至性一時焜耀千古卽鄉之賢達猶未免動色相讓也何此後



逖寥寥無接跡者豈地靈之薄乎抑未有
以一孝五節之風聞于窮鄉下里者耶編
人物志第九

李熙載字伯光都城人穎悟博學宋元豐八年
進士元符間擢廣西路計度轉運使政聲懋著
賜勅褒諭官至朝請大夫鄉人稱爲李夫子見
羅定志
梁畿宋咸淳間登第官至朝請大夫談文炳景
定五年進士思州路同知迨元則有鄉舉陳元

崧皆都城人西寧所屬也時未建邑立學名載
羅定志德慶志地產英才烏容泯泯書之人物
傳與李熙載陳讜並紀

陳讜都城人以易學名會選克貢中特科任有
能聲歷韶潮二府官至通直郎見羅定志
龐嵩號弼唐南海人性至孝弱冠克郡庠生嘉
靖甲午舉于鄉甲辰謁選得應天府通判晉治
中屢攝大京兆事初至旱魃爲災公督賑委悉
霑洽官粟旣竭貸之鄉先生富民誠意懇惻人

多應者所全活六萬七千有奇已而蠲其積逋于以勞來拊循之所由以復業者十萬六千有奇所部民苦役重乃清寄居客戶以助夫役移僻驛馬匹以甦衝塗覈冒濫優免及詭稱官戶寄庄戶女戶神帛堂四戶以實丁口八邑皆蒙惠焉時江寧葛仙永豐二鄉數有水患居民僅餘七戶而已歲課不能辦公爲築堤闢萊得田三千六百畝立惠民庄四名貧民佃之流移盡還而全邑訖無代輸之苦折獄無細大必得其

情公饒吏幹百廢具舉尤加恩造士建會於新泉書院日進諸生課之捐俸以資賞給淹通五經爲諸生發疑抉異以故一時文行之士成就興起者爲多天性嚴明嶄嶄不可犯單騎行縣所至肅然一蔬片楮不以煩民府在六年京察例而復與觀察公謂非理上疏請止之至今著爲挈令辛亥晉南刑部郎中丙辰擢雲南曲靖知府敦崇教化刻同文編以通三種彝字行鄉約保甲以變彝俗然竟爲忌者所擠已未大察

西寧縣志 卷之九
以老註考而年纔五十旣歸茹淡服勤建祠祀先聯族以恩處鄉以睦從甘泉湛先生得江門之奧旨湛沒力恤其孤湛立有嘗餼以待四方學者公代主之每月率諸學子爲會當道諸公及里中縉紳羣至會講公每出已意發明宗旨羅芻旣平當道延至卜居以鼓民志講學以倡士風奉命改學生員杜英等及新進生員倫在孝等二十五人日從講論西寧興起斯文于公始矣所著有弼唐存稿五經四書講義太極解

圖弼唐遺言祀應天曲靖名宦學道郭子直送祀廣州府學鄉賢寧人感教澤者議請並祀子一夔嘉靖甲子舉人九江府同知一德萬曆丙子舉人嘉魚縣知縣皆稱職孫瑋乳源縣學教諭曾孫嘉耆廣州府儒學拔貢生佺孫之彥西寧學生員

杜英號克寰德慶州人博通經籍食餼州庠萬曆初立縣割稅糧撥廩生克學宮英與焉築城建學縣主命之督理盡心竭力時從龐弼唐遊

西寧縣志 卷之九
倡明禮義振起斯文樸野之俗以變首膺歲薦授肇慶府學訓導陞恩平縣學教諭培植人才敦崇教化至今稱道不衰居家孝友忠厚爲時楷式子孫俱克紹其家學焉

周興字士賓號濂川南海人立縣初首取入西寧學尋食餼萬曆十六年鄉試中式初授江西寧都縣知縣改龍川縣教諭陞浙江湯溪縣知縣居官持大體緩催科勤考課行鄉約禁溺女火葬之俗度支出入秋毫無染指人服其廉潔

不私未幾以母老乞休抵家壽母斑絲怡然明年母喪哀毀骨立生平率履無玷以孝謹聞于鄉男文豹炎豹俱庠生

歐達政字仲行歐達勳字仲策順德人籍西寧兄弟齊名達政萬曆二十三年歲貢入監授廣西梧州府通判視權務通商裕國不求奇羨達勳萬曆甲午舉人授山東膠州知州遇旱步禱甘霖輒應州北蝗災禱卽散去南境又起大鳥至食蝗殆盡人以爲神兄弟早賦歸來居家孝

友雍睦皆以壽終
倫應祥萬曆癸丑舉人授江西萬載縣知縣萬
載素逋糧公勸諭樂輸罔後俗多健訟公遇告
人命者着運屍相驗虛卽反坐刁風少息壬子
大饑請按院發銀五千兩賑之活數千人顧韓
兩按院薦獎陞湖廣蘄州知州里長出役吏典
到科例有餽送之禮痛革嚴禁建閣于江滸以
興文運造橋于衝流以通往來蘄民兌運甚苦
公請上臺題改折色萬載蘄州建去思祠居家

儉樸食不兼味衣服布素所居卽秀才時讀書
處也蕭然四壁別無長物尤篤孝友宦業分四
股以贍諸弟捐俸置祖嘗廣州西寧屢請鄉飲
俱正賓

岑永清字克潤號天門幼喪父哀毀如成人天
姿穎異議論過人長遊西寧庠業麟經識深學
博從之者如歸市戊子鄉試乙榜母疾籲天求
代襄大事經營合壙躬自歛畚垂白孺慕如一
日兄弟同居內外無間兄薨嗣以子嗣之壯年

拓產於寧因家焉寧方開創邑大夫一稟區畫
林吳兩邑侯遺田百餘畝峻却之所居濱大江
潦水驟湧公急僦舟而廬舍盡沒嫂柩漂逝
公亟追得之遺骸受公棺斂者多人迄今誦義
無窮至如排難解紛解衣推食又未能悉數也
公心無城府敦尚氣誼能急人之急若爲公義
憤發則持正而不阿親朋有過直以規之義形
於色其愛人以德又如此教子則曰先器識而
後文藝以學問出處之大節相勉勵仲子之豹

貴勅贈文林郎崇禎六年蒙提學道曾化龍送
祀鄉賢又蒙提學道送入廣州府鄉賢
胡其偉號擬漢萬曆乙卯舉人初任福建建寧
府甌寧縣知縣甌寧頗繁劇公事事中窵巡按
以卓異薦陞戶部主事解運軍儲不稽時日有
功陞江西九江府知府居鄉忠厚慈和至勸勉
子弟愛之以德誠後人所景仰者也
岑之豹字子文號居雲天門公之次子也少剛
敏過人天啓甲子領鄉薦乙丑捷南宮二甲進

士例入翰林公上章乞就外職人詢其故公曰
京師苦寒吾母老不若外職可奉而養也命下
授南直常州府江陰縣下車問民疾苦惟克糧
頭爲甚姦猾之民附勢豪獲免者甚衆公慨然
欲清其弊乃令吏具簿十數悉邀勢豪者至遍
詢某業幾何吏執簿其旁隨問而書之倉卒之
頃勢豪者方記其已業而附之者莫記也清出
避役之田十之四五由是民困稍甦江陰故事
有公堂之禮里排居其一胥役居其一舖戶居

其一歲以千計公甫至卽痛爲禁革申之藩臬
而勒碑焉前之令茲土者惡其揚已短也而撫
按之交章薦者前後十三上矣當時公論方俟
考滿畀以風紀之任邑中大宦之子某毆其服
兄庠生某殺之諸生訴之公公竟爲執法罪其
家奴十餘輩而元惡則未獲也大宦自京師三
遺書于公寢其事顯宦可立致公弗顧大宦將
以他事中之公卽解綬歸士民留之者至數萬
公弗止行李蕭然公亦不介意也歸而僦屋穗

城怡情詩酒當事者罕見其面雖海內知已宦此方者時從而訪之一會之外無他求或勸之再仕則微笑不荅生平最慕張公九世同居所置餽粥之產皆與兄弟共之不見其爲已有所著有麟經祕旨及草堂集

李若絲順德人早孤奉母至孝母喪號泣三年後遇母忌日每慟哭不食曰雖終身之喪未足以報罔極恩萬曆五年來西寧助工築城一日父忌泣祭於東門之外至性中發哀感行人見

者咸歎重焉

梁偉棟號方來明崇禎年間薦明經隱處不仕性溫厚淳篤居躬坦易接人藹若春風至于津引後學則諄諄不倦若課已子終身未嘗私謁長吏之庭累舉鄉飲不就時令以此高之雖庸人孺子亦共稱其爲先生也壽九十卒於家

區國龍字引伯別號黃石少孤極貧事母色養備至以弱冠食餼邑庠試必冠軍後克康熙三年明經薦續奉詔停止鴻才博學雄於詩文所

著有黃石集年四十卒同道者傷之
區家讓字修惠號遜初秉性溫和存心忠直與人無忤教子有方子孟賢登康熙丙午鄉薦任山東泗水縣尹人謂燕翼垂裕云
何老妹都城民嚴璋妻一子甫三歲璋故老妹方年二十三守志不移踰七十人無異議嘉靖三十九年巡按潘季馴行州以粟帛獎之見羅定志

楊氏明武進士連州叅將趙大勳之命婦也大

勳父千駟任西山叅將因家焉大勳留婦事親任連州破賊陣死楊聞變白舅姑買舟抵水口哭祭畢投江中舟子急救得活從人促回楊不許期守三七致祭徐給從人云當不死將守節事翁姑從人防稍懈至三祭之夜楊賜酒饌與諸婢僕舟人復親勞之令各歡飲明早解舟云夜半瞞衆醉睡乃被命服佩誥勅赴水死焉次日屍浮于江尋獲棺殮旋寧

朱氏知縣朱謀堡女幼隨父任配叅將趙千駟

子庠生趙大奇數載奇故朱守節豪貴逼娶弗從剪髮示節日作詩章以弔其夫詩不傳於外惟鄰嫗得其九日詩二句曰從今不見三郎面空對茱萸到白頭尋卒
劉氏林明崧之妻也林爲閩中著姓遷粵家於連灘明崧之父懷吾翁有兩子氏夫居伯習父質遷仲則業儒夙擅文名庚寅春入王師南討不庭合室移避翁命伯潛回爲修郗者訶報諸拒命繫去索贖婦罄簪珥願少佐贖翁感其義

竭囊脫伯家貲稍縮婦則董耕勤織務恢前業不兩載夫故慟泣幾絕時年二十有七發居守節撫一子一女又不逾載姑亡以二小姑見託待之加厚又不逾載仲及小孀繼殞遺孤尚乳婦皆襁褓不啻已出又不兩載翁亦告終婦傷尤甚而孳畫諸殯葬皆臻無憾未幾二遺孤又天婦仰天大慟得疾將危有慰之者勸其立繼婦含涕唯命將業三分一歸繼嗣一置蒸嘗一給二小姑令族長書訖乃逝計苦節四十餘年

西寧縣志 卷之九
堪繼栢舟之什至於事翁姑處骨肉造次顛沛
舉合於義尤賢而且才云
朱氏王東陽之妻西寧下城鄉人陽父九畹原
籍江左宦遊入粵與氏父朱良佐友善相訂結
婚就居於西寧氏于歸三載年二十四而陽沒
未有子氏矢志孀居堅操不易迨九畹夫婦淪
亡家業零落奴僕逃散氏遷倚母家以紡績自
活者二十五載卒年四十九歲空闈苦節聞者
傷之

鄧氏汪起瀾之妻西寧廂內人適瀾二載琴瑟
相友瀾以遠出方歸渡河而溺氏聞報偕舅姑
奔救比及河而瀾已隕命矣氏呼天大慟投于
水者三皆爲親屬救起得不死於是舁瀾屍歸
治其喪殮俗以被溺者有招魂之說氏明日具
酒饌詣河干遙空悲泣家人懼其死閑之甚密
氏給之曰余初心不愛其生今旣擬立嗣承祧
余將撫孤以事二老死何爲者乃沿河行哭作
招魂狀寧邑有天車之制農家取水漑田其法

以櫛椿絕流令諸水聚注於一渠而車乃動氏
行至車所猝投其下家人救之不及水勢雄急
倏忽入車渠中衣髮皆爲車竿所刺隨車旋轉
水血迸流肋骨俱露而死路人見之無不慘惻
其親屬斷水拆車昇屍歸殮與瀾並塋於城東
之小文壩山前邑宰史公筆豎碑其上旌爲烈
女墓康熙五十七年邑宰李公玉鉉異其節烈
爲祠以表之瀾仲弟起濂國學生季弟起濤邑
庠生濂以一子嗣瀾後

馬氏簡志英之妻西寧廂內人有德貌適英三
載以善事老姑雅爲英所重丙寅滇藩蠢動英
挾策而西值撫蠻將軍傅公弘烈會兵恢復見
英有才畧授以隨師之職頗立戰功未幾沒于
軍而氏未之知也先是英從戎時居蒼梧納妾
生一子英旣死氏聞訃哀慟幾不欲生旣而以
堂上有老姑且聞英已得子因託親覓歸氏見
子而未亡之志始定子甫三歲猶籍襁褓氏撫
之如已出家貧無所給以紡績爲業上奉老姑

西寧縣志 卷之九
下育幼子勉供朝夕姑多病氏求藥禱天畧無
懈色及姑隕世亦喪葬如禮子既長娶婦生孫
三人氏始卒計英去國時氏年二十有三死之
日年六十其間三十餘年以婦兼子以母爲父
仰事俯育艱苦備歷人無間言此亦巾幗中之
罕覲者也英失族四世單傳一綫之脉賴氏存
之康熙丙申歲邑侯李公玉鉉嘉其苦節旌以
文帛而氏之譽乃益顯

胡氏金光廷之妻浙江山陰人廷父成桂任雲
南思宗州牧解休歸里道經羅旁值亂遂依其
房兄光綬家於西寧未幾廷父子淪喪胡年二
十三姑老子幼貧無宦囊矢心孀守百折不回
事姑訓子艱苦萬狀是亦節操之足多者

高氏梁秀生之妻西寧廂內人年二十二而寡
鮮親族貧無立錐撫一子僅二歲有勸之去幃
者氏曰以一女而事二夫雖富貴奚取且不忍
負亡人於地下也屢飢且寒至死不變繼姑性

西寧縣志卷之九
暴時受唾罵甚或加以鞭撻氏處之恬如子元棟既長生孫三氏年六十有三而卒子貧弱不能請旌故特表而出之
劉氏洗復章之妻西寧廂內人章少事儒業未遇而卒劉氏年二十四痛其夫之未嗣而資志以死也哀慟呼天願以身殉妯娒環防者兩越月親族立其兄復旦之子經承嗣氏乃弗死於是毀容棄飾訓子治家終身不出戶庭人言無間氏今年七十二矣子經長娶媳生孫事氏甚

謹是亦苦節之報也

陳氏余奎捷之妻西寧桂子鄉人年二十六而捷死陳與其媵張氏同矢栢舟心堅鐵石陳無所出張生二子長廷選甫七歲次廷相甫五歲二氏鞠育殷勤延師課業子既長留賓解珥儼有陶母之風廷選學成入泮食餼以明經待仕廷相方冠甫畢姻踰年而歿媳幸氏年僅二十兩姑慮其少日以去幃爲念幸曰忠臣烈女理無二事姑彰美於前媳寧不爲之繼耶姑以無

子之意慰之幸曰伯子卽吾子立一姪以承祧是無子而有子也姑如其言以選之季子爲相後於是三氏同孀冰操共守人謂其平門芳節云爾世之風教豈少人乎矣前以世盛於此高氏李君沛之妻西寧興寧堡人適沛四載誕一子名附山子甫二歲而沛卒氏哀毀失措越日沛旣殮氏大慟以首觸墻血流被面仆地而絕救之稍蘇卒不願於人世其姑抱幼孫相對以泣勸之苟活撫孤俾存夫嗣氏乃漸止服旣

闋親屬有勸之去幃者氏拒之聲色俱厲旣而家長強之去氏剪髮相示曰豈有禿髮婦可以適人者乎諸論乃寢子漸長氏勉之力學弱冠入泮爲諸生娶周氏生二孫山復卒氏始撫孤子繼撫孤孫偃蹇劬勞其節甚苦媳周氏亦仰承姑志誓矢柏舟後先並以節稱焉

黎氏邑庠生黎彥培之女西寧全安鄉人許字河口鄉康元貞次子萬平年十八未嫁而平歿沒女聞訃絕食幾不欲生父母愛而憐之密令

鄰嫗探其意知其欲守志奔喪有終身不二之意從之送歸康門承服盡哀喪葬一循婦禮立平兄子名朝聘繼嗣撫養教誨一如已出迄今三十五載女年五十三矣處女矢節誠風俗之美者

楊氏西寧合水鄉人其父藩與鄰堡國學生陳應春善春次子名翔生幼聰慧藩以女許之翔生弱冠入泮宮卽食餼女年十七未于歸應春家頗饒縣令涎其懷璧求之弗應旋以他事中

之父子並詳褫服列成罪讞春詣上訴得少減旣而行縣擬結令再加羅織且慮上之復宥也乃嚴刑煨煉父子連斃於獄女聞報呼天愴地投於水弗死投於縵弗死奔喪而始家辭焉乃謂其父母曰若欲兒苟活母再聘父母從之孤幃寂守越茲三十餘年女年五十四矣精白無瑕真芳節也

張氏李上錦之妻西寧佛水鄉人錦少入泮宮氏于歸三日適文宗按試錦拉友偕行試畢歸

西寧縣志 卷之九
以暴疾卒於道氏痛其夫之死而不得視殮也
哀傷失度逆棺櫬於中途歸治喪葬人疑其甫
婚三日未必矢心於節氏曰自納聘以來卽無
重盟之理况已委身事之乎决志孀守始終不
渝育一子名秉惠誕二孫而惠先卒氏年近八
十至今尚存遠近鄉鄰無不景仰

論曰邑有先達民之耳目係焉今之爲先
達者多尚武斷不爲鄉里所喜至爲之令
長者亦以多近薦紳先生爲苦西寧無是
也一二前輩落落散處如晨星令長鬣以
父兄事無人爲苦矣今之著于篇者若而
人率賢者也邑父老至今能言之後之鄉
先生其亦有仰止之思乎至若一孝五節
之外寥寥無述豈長吏化導之無術乎何
國家懸旌典以爲勸而興起者不槩見耶夫賢
之生也不擇地醴泉無源麒麟無種吾不
能無望于後之崛起者

謝無辜于家之謝法者

之生也不辭此類泉無悲想無無無苦不

謝無辜于家之謝法者

之生也不辭此類泉無悲想無無無苦不

謝無辜于家之謝法者

之生也不辭此類泉無悲想無無無苦不

謝無辜于家之謝法者

之生也不辭此類泉無悲想無無無苦不

吳邦憲字翰伯西寧廂外人父汝楫邑餼生有

文學未遇而沒憲孤貧母阮氏孀居撫育延師

以訓之及憲長學成卒不應童子試有勸之求

祿養者憲曰祿養未可必晨昏之侍難去也朝

夕不離母側出必告反必面色養備至凡有所

作非稟命不敢行初娶阮氏伉儷亦叶然不得

姑心且無子母命之出婦不去聞之宰宰召憲

責之曰婦無大過豈宜輕出憲曰不順於姑婦

人之過孰有大於此者宰不能強竟出之繼娶

西寧縣志 卷之九 人物 三
朱氏甚洽姑意憲心始慰生三子既長憲日夕
訓之曰士有百行莫先於孝余生平事祖母雖
其旨多缺然未嘗稍忤其意汝曹當體之苟於
祖母不順我必不以汝爲子也年踰五十每至
母前猶作孩提依戀之狀母病侍湯藥晝不知
食夜不知寢禱天求代踰月形神俱瘁及母死
哀毀骨立居喪三年未嘗言笑終制後哭泣如
故越數載竟以思慕而卒訣之夕謂所親曰吾
今得侍母於泉臺矣子一璜丁酉舉於鄉人以

爲孝行之報云

西寧縣志卷之十目錄

藝文志 上

縣志序

洪有復

縣志序

卿一鳴

縣志序

尹源進

縣志刊板引

趙震陽

建縣治碑記

何維栢

儒學碑記

霍與瑕

修城垣碑記

王人洋

修城垣碑記

鄭人達

西寧縣城隍廟記

龐一德

東西圳碑記

王光信

西山大路碑記

陳萬言

文昌橋記

蘇致卿

修儒學碑記

卜二南

典學書院碑記

謝天申

重修下城崗石橋碑記

曹鍾浩

重建明倫堂文

趙震陽

建尊經閣記

金光綬

建義倉碑記

冉德

重修西寧縣志後序

區孟賢

修平政橋記

鍾光斗

重修教場碑記

繳應善

改修文昌橋記

王鉞

改修文昌橋記

蕭士澹

詳復土附分案文

分別土附初詳

張溶

酌分土附次詳

張溶

清釐童生冒籍詳

張溶

請除附籍詳文

史筆

請記陸大夫文

朱謀堡

諭頌甲告示

李翼鵬

西寧縣志後序

鍾光斗

西寧縣志卷之十

藝文志

昔人稱三立立德立功之外一曰立言顧言之精者為文文之精者為詩翠羽豹文明珠大貝皆物之精者也物以精故貴言以精故傳弗精焉弗貴弗傳矣西寧舊稱固陋近益彬彬爾雅所稱文與詩豈無其可傳者才因乎其地文因乎其才著作豈可掩乎今之所輯者文即不敢言精要以

發行議論詩即不敢言精要以暢曉性情
是亦一時作者之林也苟輶軒四出勒而
上之天府不虞長吏之無其具矣編藝文
志第十

言文辭者為文文之辭者為詞辭即文
昔人論三才立辭立文之次一曰立言

藝文志

西寧縣志卷之十

西寧縣志序

德慶州治隸端州舊有瀧水縣萬曆初年羅劾
發難督府提重兵剗平之因析為羅定州揉德
慶高要春新之版圖附之東西置二縣西寧其
一也縣以新造未有志前令林君致禮合諸生
纂修之會令遷去諸生奉以見余請序余考周
禮大司徒掌地域廣輪之數土訓掌道地圖詔
地事誦訓掌道方志詔觀事志所由起蓋從周
始矣矧西寧新造艸昧而記載缺然使吏茲土

者入其境風土謠俗不及知凡諸廢置因革不及聞安能爲政何所病之病無徵也夫古之剖置方州皆因山川形便與其道里遠近所宜故或因要害之形而爲之臨制或順臂指之義而爲之彈壓要歸於建威銷萌計深遠以久治安而已西寧東接端州西連蒼梧封疆聯絡休戚相維繫故西寧安則端梧二郡邑舉安西寧有警二郡亦未得安枕臥也國家特設羅定一道與嶺西道互相控制意念深矣夫天有詘信地

有翁闢亦各以其時行耳西寧在百十年以前莽爲盜區自華路藍縷以啓山林西寧因列其方州比於牧鎮天運地靈於斯爲盛今置縣幾二十年林木芟柞土田墾辟度畝定稅設兵議餉建學立師張官置吏與諸調度沿革悉皆林林總總載在掌故何可勝述時詘而信時翁而闢天地且不能違之斯其爲羣生之府乎西寧際今日茲其開闢之時也時至而百志成纂修備矣第承平旣久時異勢殊經理制置之方難

西寧縣志 卷之十 五
以膠固猺獐雖卽敘然特羈縻之耳未必其無
狡焉啓疆之志則撫之難西山之戍屯聚數千
皆烏合之衆一旦脫巾而呼何以制之則馭之
難田賦地土俱他邑豪勢占籍其中影匿飛詭
不可究詰則清理之難山箐叢密重岡疊嶂狼
賊依投潛藏互相訐引不商不農日競酣賭究
所歸宿不無可憂則消弭之難夫惟知其難而
先治之於以制政之常節俗之中經土之法犁
然莫不中窾是良有司事也語曰鑒於水者知

妍與媿鑒於古者知得與失此志成而制治保
邦之規大畧可考鏡矣余不佞常以觀察出行
部晉康間見西寧邑在萬山中據端上游比於
唇齒日夜皇皇然思爲之計慮非特以其新造
故抑其地重矣繼今吏茲土者按籍而求之論
往事而討舊章勤咨諏而周考核因時制宜因
畧致詳要以久安長治爲千百年善後之計是
鄒氏所謂潤澤也有如苟且些窳恣睢腹削以
至啓釁召災則西之寧無日矣又安用志余故

因敘志而重爲吏茲土勗焉賜進士第中憲大
夫廣東等處提刑按察司奉勅整飭兵備兼分
巡嶺西道副使前禮科左給事中奉勅巡視京
營侍經筵溫陵洪有復書因敘志因敘志因
敘志其叙重矣茲土許君辭而來之論
許君曰齊是皇然思爲之情款非許以其謙
許君取問其西寧之俗萬山中熟識土流其
狀之與夫西寧之俗萬山中熟識土流其
狀之與夫西寧之俗萬山中熟識土流其

西寧縣志序

余讀魯論至顓孫氏舉楚令尹子文以舊政告
新令尹而夫子許其爲忠竊疑以爲此亦恒人
之所能而君子之細事以子張之賢過推慕之
乃欲擬之於仁雖夫子之不許而亦以爲忠余
未之淡喻今春入仕承乏西寧捧檄登道昕夕
兢兢西寧雖小亦新建邑也民性之淳雜風俗
之習尚物土之生殖貢賦戶口之多寡與夫山
川之險要道路之往來市井之集散溝渠之通

西寧縣志卷之十
塞所以盡人之情而極事之變者懵懵然一時
欲人盡語於我必不可得欲得人語我尤恐不
得語我者之人反生暗室盲行之弊噫誠難之
矣秋中蒞治計倣單父將來所以語我者而簿
書億倥案牘相仍且往來交際精神勞憊日不
暇給此時茫乎無措始知如楚子文告之不可
得也迨訪學博雲君見劄劄氏三五者人攻鏤
事詢之雲君曰此前任林侯命弟子員朱潤鄒
偉輩所輯西寧邑志也書成未就梓而林侯卽

有獨山之命司馬洪公序其前其有關畧與夫
後序則於明府有待也予披閱見其首地輿志
則圖經沿革疆域與夫山川形勢氣候風俗物
產備焉次建置志則城池公署學校與夫樓臺
橋梁津路備焉次賦役志則戶口田糧賦役備
焉次禮義次秩官次人物以及夫兵防營堡繼
之以藝文雜志終焉井井然一邑之民情物理
昭然如示不將爲文獻之徵乎恍乎若林獨山
之面告於我者楚子文所云舊政者端在茲矣

其不有取於夫子耶雖不敏敢不援是書而變通之竭其遺思以求其效於尺寸間者萬曆二十年秋九月吉旦知西寧縣事灌陽鄉一鳴書

西寧縣志序

吏部

尹源進

東莞人

人受性於天一也然而人才之賢否文章之妍拙事業之大小往往跡其地為區別豈山川之權固有以加於天哉無亦人事有未勸而風氣有待而開也大江以南吳楚越粵於春秋時曾不得比中國而自晉唐以來日趨而適盛鄒魯之士或俯首自謂不及山川風土果足以限人乎哉語曰一人善射百夫決拾蜀地僻陋文翁資司馬相如等十餘人受業博士而詞賦雄於

西京潮人與鱷爲鄰韓退之舉海陽趙德爲師而人文蔚起良有司之係於人若是其大也西寧新邑也於昔爲瀧水地居萬山之中其民樸愿自萬曆初分立爲縣中更寇梗聲教未洽是以豪傑之士猶有所待而起趙侯令茲土三年無綏教養歷有賢聲西寧去余東官遠未得把手而論也觀其所爲志書條綱析目溯古咨今反覆低回所以獎掖斯民者甚至夫物無與並則弗彰人無與競則弗勸紫麗於朱而後知其

不類也玉與石共焚而後知其可久也西寧雖僻小然四封之內曠古以來能爲文章者幾何人仕宦幾何人卓然自立有德有功者幾何人必謹而志之使其子若孫若其宗戚知吾邑之先固有可傳之人可紀之事不朽之文若此也其不可傳不可紀而易朽者又若此也夫何爲不勸又使其邑之人知吾所以過于他邑者某事若此也必思守而加勵之而所以不若他邑者某事若此也其亦慙然皆有奮心夫何爲不

勸夫文翁於蜀韓愈於潮皆卽其人而鼓舞之
豈他求者哉天道六十年一周三十年一變西
寧建邑於今九十年而是書適成山川之氣將
自趙侯而開乎趙侯吾邑王園長先生所拔士
予素知其爲人故爲之序勉趙侯所以爲文翁
韓愈者

西寧縣志刊板引

知縣

趙震陽

浙東人

粵稽禹貢分列九州東粵爲揚州之南境星躔
斗文分野地接蒼梧連界衆山周圍而創縣治
城是謂西寧常考周禮大司徒有掌地域廣輪
之數厥後班氏孟堅纂修漢史博物有志山海
有志以暨地輿民俗無不燦然臚列凡以備參
考辨貞淫以激勵天下而察俗觀風之意寓焉
志之由來尚矣其事誠重且大也然考西寧建
自有明萬曆丙子其時削平禍亂新蒞版圖幅

西寧縣志 卷之十
員孔廣狼狽雜居聲教所被始通於上國者百
十年於茲矣今世重文重士庶蒸蒸向化入其野餘糧棲
新朝覃敷文德士庶蒸蒸向化入其野餘糧棲
畝矣而禮陶樂淑之風猶未臻也問其俗戶口
殷繁矣而人絃家誦之聲猶未遍也豈獨其勢
使然哉良由化導之功不先無由感發以興起
之耳邇奉 憲行修各屬縣志書崇尚節義獎
勵廉善于以激挽頹靡而振興末俗其在斯乎
其在斯乎乃董其事者則幸有邑之鍾師尊爾

邑縉紳先生二三友士與夫通鄉里老亦宜共
勦厥事其有敦孝弟尊禮讓可式型於奕禩者
必以告其有守貞烈高氣誼足範模乎來茲者
必以聞蓋幽光潛德代有傳人而窮蒐博羅豈
無逸事務使有美必揚無微不錄耳目之所見
聞祖父之所稱說一歸而筆之記載刊勒成書
垂傳永久以廓林君前志之不逮凡事莫不憚
於慮始而欣於樂成前之人既已經營創始矣
而後人弗克增修焉則是後人之羞也惟前人

西華縣志 卷之十
道居其創而後之人因而表彰之又推而光大之當亦前人之所樂而且以使後世之人得以考其山川形勢訪其風土人物較若列眉蔚爲稱首不禁流連慨慕於其中曰自吾邑之有富家大族也而禮讓之風著自吾邑之有文學賓興也而詩書之風起自吾邑之有賢達諸君子也而頑者以化囂者以息將見人思自奮民俗淳龐夫天下無所感而爲善與無所戒而不爲不善者不過數人下此必有待於觀感而後起

今於紀傳之下而微寓風勵之文使有所矜式數十年後而斯文炳煥習尚雍熙於以甲東粵而稱美天下無難矣則此志之成非徒爲寧邑之壯觀未必非移風易俗之一助云爾是爲引

之北... 未... 終... 始... 非... 寧... 出... 東... 大...

建縣治碑記

宗伯 何維柏 南海人

廣在五嶺之南自堯宅南交帝德不冒海隅周
定藩服疆理至于南海此帝王裁成左右弘兼
濟之仁以大一統之治王風既息霸跡聿興角
立爭雄泄邇忘遠既不能經畧以貽長久之圖
復爾玩愒釀成大懟始起而圖之干戈相尋忍
戕生民之命古今所扼腕而憤歎者廣以獨遠
疆理更踈闊十郡州邑隸自古昔典禮文物無
異中州乃若山谷曠遠去郡邑又遠政令不加

聲教靡及習尚悍陋如逸柙之虎噬噬恣肆莫可底止羅旁蟠據千數百里世稱爲盤瓠氏遺種頑獷喜鬪四方浪賊鼓導剽劫舟途梗阻嶺西鄉落每罹荼毒所由來遠矣洪武初年申國鄧公鎮討平之自是厥後叛服不常屢陳聲討以負險固往往不大得意輒從撫處則又訐謨靡定徒長玩心復滋蔓以遺後患萬曆丙子前督府殷公正茂疏上請剿尋代至都督凌公雲翼特承新命集文武郡吏禡師並進遂成蕩平

之續計畫善後事宜首以建設州縣朝廷下其議復同按院詹公貞吉監軍趙公可懷暨集藩臬諸大夫體勘備當覆奏上從之遂進瀧水爲羅定州東西各爲縣東曰東安西曰西寧西寧去州一百六十里峰巒環護前聳筆架後枕玉屏西峙武倉東連文軸二水夾流可通舟楫以達於江則有華表石以捍其所出地境寬平風氣融萃蓋天造地設以俟建創縣城週計三百八十三丈高一丈九尺厚一丈爲城門者三城

西寧縣志 卷之十
樓者四角樓者三窩舖二十二垛子八百四十
七縣堂衙宇黌宮號舍至於社學公館譙樓舖
遞莫不俱備城隍山川社稷境內祀典必以法
故經始萬曆戊寅秋逾年巳卯冬告成至於審
度定式分隸版圖計議田土控制要害總率武
備以芟除未盡遺孽勞來安集以裕經久良圖
則今督府劉公堯誨按院龔公懋賢今梅公淳
與守道蔡公汝賢今張公明正巡道徐公時可
兵道徐公汝陽今侯公應爵至於州守胡君相

前令朱公寬僉謀大同於是居有定宇業有定
產士有定向政令苟違山川改觀四境老稚莫
不舉手加額願受塵爲編民相率伏州庭叩曰
衆等自先世老死崖谷不見天日幸今牧於邑
數千百里乃始此睹願君侯圖永之胡君喜集
庠士議謂宜託名言昭盛美以垂不朽諏日肅
書幣介總戎陳君璘專官導輿言於古林何子
而胡君語意更懇至古林子覽書而歎益信弭
盜安民之術貴疆理之有道也自昔體國經野

西寧縣志 卷之十一
衆建都邑大者百餘里其次方六七十如五六
十莫不設官以長之則地分而職專政治易周
幽隱易達淑慝易辨休戚維繫良法美意可朝
發而夕至蓋言順也昔人謂治廣以狹觀今西
寧可類推矣牧茲土者殫心懷柔因其俗宜而
順導之簡其賦稅而率育之疎其節目而悅安
之則人人知有生之樂日與其親上敬長之心
何變之敢生又端睦作率百爾同事文武上下
協德和衷則又何憂乎外侮慎內治之修以豫

未然之防樹茲邑之勝以廣經理之畧俾幽逖
闇昧得耀於光明弼成一統之盛治是在諸君
子謹記以俟萬曆九年辛巳季春吉日立

古之建邦啓土者必有鴻材駿彥揚武烈以拓疆宇必有碩德徽猷展文教以綏士風八代之興皆由斯軌我嶺海自何真捧版圖歸國二百餘年聲名文物媲美中州蓋自陶唐命羲叔宅南交以來未有若斯之盛者乃若瀧水羅旁之地東山環亘千里則由洪荒迄今爲渾沌之區正統成化年間獠人居之其始猶自耕自食旣而狼賊投入誘之劫掠遂爲盜藪雖以總制韓

儒學碑

僉憲

霍與瑕

南海人

古之建邦啓土者必有鴻材駿彥揚武烈以拓疆宇必有碩德徽猷展文教以綏士風八代之興皆由斯軌我嶺海自何真捧版圖歸國二百餘年聲名文物媲美中州蓋自陶唐命羲叔宅南交以來未有若斯之盛者乃若瀧水羅旁之地東山環亘千里則由洪荒迄今爲渾沌之區正統成化年間獠人居之其始猶自耕自食旣而狼賊投入誘之劫掠遂爲盜藪雖以總制韓

公之威三廣陶公之畧屢加征剿竟不能平萬曆初年僉憲見羅李公材博訪民情達之軍門石汀殷公以羅芴可平狀上疏議征洋山凌公繼爲總制復上之報可集兵剿之渠魁殘醜蒐雉靡遺遂議建州設縣以綏荒裔分疆畫界以奠山川築城置堡以固封域於是以東山爲東安西山爲西寧西寧之有縣實一開闢之初也尋議建學時承田之家子弟之從學者雲蒸霞集颯颯然有絃誦之聲洋山公喜之上疏以爲

一方間氣久儲未洩必有名世之士出於其間請破格廣收人才以克作養蒙旨取進學視大邑加倍萬曆七年取入西寧者二十五人與諸改學生員共五十餘人春秋文廟釋菜之禮彬彬備矣初議學址於今縣治建縣治於右山之巔以新城人稀地廣不便於守廼截右山出城移縣治於學址改議建學於城東南右逼前隘後泄低窪鄉之士夫乃與洋山公言之洋山甚以爲然遂定學址於縣治之右前對筆架峰東

西寧縣志卷之十一
接文筆峰左爲文德山右爲武功山後爲玉枕
山城外爲文昌江江水口爲文昌橋形勢之最
勝淑氣之攸鍾也學之制中爲文廟東西有廡
前爲儀門又前爲櫺星門儀門左爲名宦祠右
爲鄉賢祠文廟之右爲啓聖公祠左爲五箴亭
櫺星門之東爲儒學門文廟之後爲明倫堂左
爲掌教衙右爲分教衙學建於萬山之中功成
於草創之日而規模宏偉矣祀往聖之大典陳
廟謨之大烈開來學之大方敷文教之大猷輯

要荒之大畧與百世執事之大勞是不可以無
記記曰學之建卜吉於戊寅年冬月告成於庚
辰年冬月廟之高二丈三尺五寸深三丈二尺
學之廣東西十六丈二尺深南北二十八丈二
尺惟時建學育材者洋山名雲翼再掃除氛彌
請彌謚俾人士涉萬山如行庭除者今總制凝
齋劉公名堯誨經營巡閱加惠作興則大叅漸
江張公明正竹峰徐公時可僉憲帶山侯公應
爵考送生儒樂育成就則督學憲副鶴峰孫公

綜時加省視督工經費則州守胡侯相經畫規
制料理支費則創始朱尹寬嗣督綜理則繼任
郭尹良楫兩董其事迄成偉觀則德慶州倅林
君應鍾朝夕共事以督工程則邑博雷伸後至
邑丞毛文體典簿高文秀皆協心贊助樂觀厥
成者也若夫卜基選勝辨正方位則鄉耄龐太
守嵩蓋與有力云近世異學亂真清時厲禁則
游斯學者其一以鄒魯爲宗語孟爲歸耶語曰
夫子之道忠恕而已矣孟子曰堯舜之道孝弟

而已矣記斯四者以淑諸人以傳諸後是所謂
心學也萬曆九年辛巳二月吉旦立

修城垣記

兵備道

王

泮

山陰人

西寧新邑也卽西山大崗侏儻盤據之穴窟也
 萬曆之七載寇發討平為善後策始縣之當是
 時經畧諸臣急在建官阜民以靖疆宇遂剪荆
 棘夷險仄卽其地城之而大軍之後官帑告絀
 城之築費無所出取諸受塵者力率些窳非遠
 圖蓋草創為權宜之計云萬曆丙戌霖雨為滂
 橫潰四溢城頽圯殆盡臬憲慕塘鄭公奉璽書
 鎮茲土目擊心維長慮卻顧檄下州判官李學

詩縣尹林致禮宣諭德意以公帑克費以兵力代民伐石於山陶埴於野勞謝蒸土弊絕寘新雉堞樓舖周遭延廣凡三百八十三丈高一丈九尺厚十尺其規模基址一仍舊貫經始於是年九月至明年三月訖工而言言仡仡堅完整飭什百於前矣夫善作者貴善成兩者相待而後貽斯世無窮之利方其地之未平也重在地故東西有邑既而思以為民衛也重在民故邑有城今而未雨綢繆重在守也故城垣修焉諸

公平定之初筆路藍縷以拓不毛厥勞孔著鄭公續而金湯之無墜舊緒俾新附之眾塵居幹止以休養生息于其間而牧茲邑者亦得專事民功無竈突宵觸之虞可不謂善作善成而功茂創始哉在昔有周定都遷民洛邑篤終留後倦倦惟姬公是賴今之新附昔之頑民也而公宣威布德以綏奠此疆蒼赤憑依迄無危墊視東郊袞衣之烈蓋有加焉公之身屹然一長城也獨城西寧也乎彼覩朝宗者歎明德享乃粒

者頌思文畏壘之民不忘庚桑欲尸祝之他日
羅定胡能諉公也余兵備嶺外前箸寡籌賴今
之保障以無他恐是惟一邑之人幸余顧竊榮
藉焉敬操筆而爲之記公諱人達字克漸起家
辛未進士以僉憲來閩人萬曆丁亥春三月記

修城垣記

羅定兵備道

鄭人達 閩人

寧邑城於萬曆丙子何宗伯記詳矣茲何修濼
水圯也邑界岑藤六十三山狐狸之與鄰宜修
適前令以遷行西帥以病去城之圯也無幾存
修宜亟以宜修且宜亟也卽鴻鴈哀鳴我心孔
勞不能不役於是判官李學詩始其事新尹
林致禮至實協成之未幾代帥楊君文繼至外
鄙不聳杵人成功先是經斯土者成大事後斬
速就未暇遠圖迄不免一役兩舉爲後事師是

西寧縣志 卷之十
教無慮數十下而躬視之再三寧堅而遲毋速
而腐戒前車也吏勤工善六閱月而事竣總其
費工五百有奇皆民脂哉嗟嗟城以衛邑邑以
長令令以衛民而受其庸之什一令使民出力
以庸之城之又罷民以完之令將吾民何夫民
猶水也水以養物亦以啣城潰隄惟民亦然善
治水者順其性善理民者若其生民若其生卽
鶉居猶可不者金湯重襲奚裨焉春秋凡用民
必書後世乃有記余好左氏故舉民力之勤與

興城之職以告令若曰使人謂子實生我毋謂
浚我以生也庶幾哉稱天子長城云萬曆丁亥
春三月記

春三月

西寧縣志卷之十藝文三

西寧縣城隍廟記

城隍所以禦侮戢暴域民成物其功德至深且鉅顧虞周末載祀典豈實遺之古者舉大事動大衆率冢土爲有事而城隍亦土之神也宜若在所兼攝故廟未特建耳漢唐以還興廢無所考第詞人撰述自李陽冰一記文外他亦寥寥其爲草畧可知有明高帝以上聖開基心天通而德神運見謂明有官司幽則有城隍實相躋爲重于是城隍爲要祀上自都郡下逮諸邑率

西寧縣志 卷之十
視官職爲差京師祭以朝命而藩府州邑主以正官新任則齋宿與誓厲祭雩祭則惟神是主而他神之載在祀典者率莫先焉以故民間所爲有欲而不獲自遂有惡而不獲自遠者旣明以聽之官司又幽以聽之城隍而閭閻豪猾之子乃或不官司之憚而惟城隍之畏而于凡官司之不苛以虐者率目之曰活城隍活城隍云夫非世汙世隆上有敬焉者則下斯有甚焉者歟西寧肇闢是在萬曆之四年城隍廟亦以之

興于時在事者輦車藍縷之未遑廟貌取蔽風雨蓋于時于事不得不然更歲三紀垣墉拓落棟宇顛墜門陛狸豸大不稱令甲之載而財用方極詘誰且引爲已咎者萬曆二十五年養虛蘇公以畿甸元豪釋褐而蒞斯邑始至謁祠卽謀所以新之顧汲汲問疾苦修廢墜未遑也旣踰兩期當入覲乃指廟貌顧其父老子弟言曰以我任且及考于息肩易易耳如以煩不知者誰人何且我之有心舊矣不畢此無以有詞於

初筮遂出饗殮之仇若干金擇能者而命之植
工用以興然公實堅飲冰之操于時行斧猶未
辦也其父老因屬其子弟謀曰蘇公功德在民
吾民方尸祝之嚴事城隍則吾職也獨奈何以
民之事重煩我公遂率以經費之已及者取給
公帑經費之未及者用私財始工巳酉之某月
日明年某月公再至則昔無者胥以增昔有者
胥以飭煥然一方巨麗之觀矣會不佞釋下城
之未過謁公公則詔之曰城隍廟更新是民力

之普存也願載筆記其實無以諛詞爲焉嗟嗟
勿亟而子來公蓋先成民而後致力於神者之
爲召致乃其爲而不宰有而不居又如此哉夫
神依於人尚矣公敬神而不後民是故可以觀
慎不宰不居蓋無我之胸次也是故可以觀謙
尊事城隍令甲故丁寧焉敝則新之是故可以
觀敬事不避難以逸來者是故可以觀任財不
必出諸已好義終事莫或使之是故可以觀感
蓋一舉而五善備焉公廉明恭儉本其天性而

西寧縣志 卷之十
張弛匪驟好惡惟民類根柢于學問之素有匪
夷所思者民間活城隍之依殆有信在言前敬
在動前者矣夫是以隨施曲當如是云抑不佞
輒有感于西寧西寧在昔固蛇蟲之淵藪魑魅
之窟宅耳萬曆初芟除而醞釀之蒞之以官司
贊之以神明更時三紀矣然後易茅茨而連雲
易呻吟而絃誦易帶牛佩犢而軒冕黼黻蓋必
世而仁之一驗而蘇公此舉又合民之和以惟
神之奉則繼今以往所爲三時永獲不害民下

永無違心于以鞏固皇圖于無窮期者雖城隍
自效其靈乎而吾民之默受其賜不旣遠哉無
疆惟休亦無疆惟恤是在蘇公而五美之備猶
其小者矣謹併記之告來裔蘇公諱致卿號養
虛江左之石礫人督工若助工人姓名具在碑
陰萬曆四十一年南直揚州府儒學教授前湖
廣武昌府嘉魚縣知縣本省恩平縣儒學教諭
萬曆丙子舉人南海龐一德撰

西寧縣志卷之十一
藝文
王光信
儒學
西寧舊號隩區重巒複嶂蒼蔚連雲銅章使者
節奉命助勦之奈猶藁莽極日煙火蕭條丙戌
歲會泉林侯被簡茲牧甫駐節卽觸日抱痛百
廢序舉如遺額爲患則墾荒餘以給補如子弟
未教則申社學以譽髦厚墉浚壑修寺鼎廟置
府設所審權定量輸與民居創列商市其他崇
勳駿烈縷縷不可殫狀大都皆痼瘵真念匪粉
飾彌文也縣郭東西外延環數十里悉童涸不

東西圳碑記

儒學 王光信

西寧縣志卷之十一
藝文
王光信

西寧縣志 卷之十
毛間則叢翳蔽空雖業分給登版然鋪鉏者委
之智窮力困卽司牧者亦付之勢無如何蕪穢
逋負連年莫支我林侯循勞往來愴然悲心作
而長歎曰民非謀始者也因利而利則蒙利者
趨可勞而勞則忘勞者至畫壤而程功期則不
曠迺旦夕焦思鳩工授畧相源瀾因地宜鑿山
通圳緣畝導流所稱隨刊胼胝之勞曾不加此
嗟嗟良苦心哉以故不數越月山澗出泉混混
長注遶郭東西數十里許一旦雲雨不施常蒙

優渥童涸於焉而沮洳叢翳於焉而膏壤曠土
荒丘盡爲利藪衢謠何莫巷歌兩岐樂利風傳
襁負霧集肆今農桑被畝雞犬聲聞鬱然富庶
頽成大觀矣嗟夫觀河洛者思功享粒食者思
德西土水利之興者誰耶粒食之傳者誰耶銖
毫皆侯賜也西民之含齒束髮迨千百年之未
生未形者其飲功繹德吾不知其視古昔又何
如也喜爲之記以俟後之思所自者萬曆十八
年孟秋吉旦立

東西二圳溉田甚廣林令立心原計久遠其
如日久廢壞若西圳之水已不可復問矣惟
東圳之水大有關於大洞鄉之田其發源自
埔强大山由茅坦繞埔波上車龍而出經文
德山邊引灌大洞順治年間山潦大作激斷
茅坦山腰水從下車龍山埔而出竟成河道
其沿河數里僅存微流兩旁積岸槩被附近
田鄰侵墾爲業以致大洞之田艱於圳灌旱
而失耕該處居民乘修誌之便聯呈呼籲適

余以奉

召北行未得力終其事已行送儒學查理蓋大
洞之田所仰於東圳爲甚要無東圳是無大
洞矣深有望於後之君子康熙戊戌四月李
玉鉉附筆

開西山大路記

南海 陳萬言 學憲

大憲副瞻嶽陳公備兵羅定新開西山大路成
該山營總許子應明輩介幣屬筆於余以求記
余知陳公稔且爲地方之幸淡欲辭不可於是
援筆言曰偉哉陳公之功也羅旁地方爲徭蠻
巢穴所自來舊矣世數弗可詳矣萬曆丙子大
征蕩平開創善後其道路只以羅定州爲總會
自州而南則由羅鏡岡轉入函口懷鄉以通夫
高涼自州而北則循小河透出大江以接夫壽

康東西二縣南封二所雖各有路遙通然皆崇岡疊嶂之所峙也叢箐茂樹之所陰也蛇虺所蟠魍魎所遊介然用間則塞矣隔離天日往來爲艱然在東安猶易聯屬而西寧則又有定康感化從善信豐四都皆自信宜茂名分割介廣右岑溪之間接連七山六十二山之獠伏莽乘墉者歲有殺越剽燬者橫行以故四都雖號編氓而足跡無由至縣庭今逾一紀于茲矣前備兵鄭慕堂公酌議應闢諸獠屢沮功莫能施時

以初輯姑置弗問公於戊子履任廉知風土習俗難爲狀按圖而觀喟然歎曰嗟夫是非所以言治理也夫遠邇之勢猶人一身治身者必血脉流通然後手足運動而無痿痺之不仁治民者必遠邇流通然後上下情達而無奸宄之隔閼今新民之不通於縣猶手足之不屬於已失今不治得無廢痼乎乃謀諸大叅戎侯德源公力伸前議公卽請於制府而下檄授州大夫潘君仕紳邑令尹林君致禮綜理其事分委許子

應明欣然舉作卽號召所部兵民相地分程計日課功披荆斬木芟險就夷卽詩所稱作屏就平不加於此矣乃頑徭未謀懷保之規陰行沮撓之計伐樹埋狐伏鎗設魅衆受慘毒重懷疑沮公復奮然作曰嗟夫是非所以言任事也夫非常之原黎民懼焉及臻厥成天下晏如人情難與慮始大率然也今撫徭旣稱向化乃頑梗猶然若是毋亦以除道驚疑故令反側卽遣許子應明深入其崗宣示朝廷威德諸徭警悟相

率駭喙於是兵民得偕作而梗途遂成大道翦翳無所壅蔽而晻昧獲耀光明卽頌所稱岐有彝之行不烈於此矣比歲以來行者歌耕者樂蒐者伸輸者赴商賈貿遷以化居官府往來以巡省溪谿絕崗久外天日之民習見漢官威儀而欣欣鼓舞若更生諸徭在撫治者心如其面不敢越志以啓釁在鄰封者畏威斂跡不敢越界而爲盜凡有舉動朝發則朝聞稍有邪謀夕發則夕撲官政下達民情上通疎逃不閉襁負

西寧縣志 卷之十
日來數百年虎岬兔窟之域一旦轉而爲平平
蕩蕩之區我公開闢之功誠萬世賴也昔禹抑
洪水而天下平姬公驅戎狄而百姓寧自古大
聖賢作用固非瑣尾齷齪拘牽故常者所可望
籓籬也語曰有非常之人然後有非常之事有
非常之事然後有非常之功言非常之功必非
常之人乃能建也以公驗之信然余無庸老矣
無能工藻績揚盛美第據事直書塞許子之請
以備志史者知公之績爲不在抑洪水驅戎狄

者下如此也路起自羅旁口由西寧封門夜護
抵懷鄉以丈計者凡三萬六千有奇自懷鄉掘
崗由羅鏡岡抵羅定州亦三萬八千有奇又自
夜護由思慮東至亞婆灘以丈計者凡八千有
奇自逍遙歷振蕤嶺抵西寧亦不下八千餘其
橫若闕則隨地勢之險易而俱不離夫丈之上
下經始於己丑年告成於辛卯年其東山中路
則各有紀者故不敢備及公諱文衡江右鄱陽
人以戊辰進士遷御名歷今官茲以奏最陞任

道奈構木爲梁不敵潦虐意易爲石梁則功成有永余聞之訝曰異哉君之當余衷也何默默一念未及告人而今牖之卽許捐俸一年爲好義者倡屬千兵董之隨以謀諸趙將軍而趙將軍慨然贊成助鏹半百且詢諸耆老莫不欣欣樂助余快然曰人情若此何難一石橋哉遂僉耆老區憲禹蘇志可梁紹漢程邦俊蕭鳳黃日興羅思義鍾時嚮梁燧劉祖應十人總分其事卽日經始規畫最喫緊者莫先取石而石購於

省會之西樵余詰其故僉曰此中巉巖峻嶂石不適用自剗縣迄今城郭宮室之需類非西樵不可余默籌之石必取之西樵則航運之艱曠日侈費抑山靈苞蘊有待而現也乃禱於神命匠氏操斧鑿以進不里許得片石以復視之色紫而白質澤而堅咸謂西樵未過且取之不竭交州記所謂合浦杉葉飛入洛陽者得不類具歟亦奇矣哉石旣具乃鳩松株備橋礎去舊梁數尺障流墜地忽有石底如過江龍適足橋址

西寧縣志 卷之十
之用兩旁則陷沙無石壘石其上堅于鎔鐵一切松株不用人工不煩抑又奇哉于是砌石有四各高三仞豁爲洞戶醜流分注跨木以濟行人廣六尺長十丈餘至壬子春告成邑之士民莫不鼓掌騰歡謂山獻其靈地呈其異咸歸德於余余承乏無狀奚足當此夫亦邑際泰運而邀神之默相與獨稽之禹貢山川有紀風俗有紀茲旣幸逢其奇是不可以無紀也故爲敘其事之巔末

修儒學記

知縣 卜二南 嘉興人

天啓踐祚之首月邑博蕭君沈君以學工成來告且問記於余余曰學奚創曰萬曆之七日修奚歲曰萬曆四十有七曰曷爲其修之也曰廟也而圯也堂也而頽也園也而毀也門也而傾側也池也而湫且隘不堪市民之穢也曰公帑乎私儲乎曰其廟而堂而園而門也官任之其徙池而改濬之也諸生任之余曰嘻不亦善乎余茲承乏寒燠再周登斯堂也徘徊慨念有不

西寧縣志 卷之十
解之惑一焉而又有淡心之願五焉請畢其說
夫西寧百粵地自尉陀棄中國就南荒侏儻椎
結遂令聲名文物不獲與中華齒明興二百年
餘因陋仍簡猶故吾也神宗皇帝惠顧南服師
旅甫戢卽創宮牆育賢俊視諸郡國迄今數十
載矣屈指而薦紳而廩餼什九附籍也豈風氣
尚爾抑暴棄使然夫處無鉅儒出無名世居恒
無可祀俎豆飲賓筵者士大夫恥之是余所謂
大惑者也然而不勝其五願蓋令一焉師一焉

諸士三焉表章誨率經明德崇論秀翹材我儀
文翁是在令旦夕提命三物六行玉汝於成今
之安定是在師饘斯粥斯堯步禹趨閨筭比芳
冠冕鄉間是在士掀揭一時彪炳千古漢賈唐
齡前猷式武是又在士議則鄭毀衒則秦賤去
佻與競超然月旦是又無弗在士夫五也士三
之矣士勉乎哉士無良則無師師無良則無士
師士無良則無令令無良則無治矣余與師敢
弗勉乎哉語亦有之性相近也習相遠也師聲

名文物豈伊郡國悉由性生無亦羸而祝之俾其速化故豪傑之士無文猶興士肩其三使上而而師又上而而令藉手其二以報稱國家余曷勝榮施焉而又奚惑夫創見創聞者士也見見聞聞者民也今而後處爲鉅儒出爲名世歿而俎豆存而賓筵是創也創則駭駭則異異則傳傳則遠俾夫見聞之民謂西寧多良士且與諸郡國等浸假而以爲嚆矢也浸假而以爲懸鵠也自今日始不益逾善乎哉余願與師弟子共圖之也若夫廟也而恢之堂也而構之圍也而固之門也而飭之池也而徙而濬之告成事紀歲月而已無煩副墨之子矣是爲記天啓元年春正月上浣之吉

典學書院碑記

知縣 謝天申 斬水人

崇禎甲戌仲秋余奉命西寧西寧向號西山大
 尚盤瓠氏遺種據處之區也上自秦漢下逮有
 明皆以不臣置之未入版圖後且蠕蠕蠢動漸
 至躑躅跳梁犯順以逞神廟五禩舉兵大征始
 蕩平群醜開闢為縣幅幘南北八百餘里東西
 百三十里編氓六千戶有奇地廣而人稀山多
 而田少艸木之所蓊蔕蔽翳狐虺鹿豕豺虎之
 所穿窬寢伏者十去八九壤與西粵鄰中有七

山六十三山猺族尚逼處此出沒剽劫不測往往爲患害於邑中自開關迄今不下六十年其俗椎樸其習固陋其民軍兵雜處喜爭而好鬪其士多遴之他邑得售則去青衿落落如晨星余甫下車徘徊四顧觀其山巒叢轟怵然有伏莽升陵之懼焉觀其里閭蕭條怒然有鴻鴈流離之悲焉觀其膠庠闕寥衣冠寂寞隱然有聖學衰微王道湮沒之慮焉卽思所以救之而勢有不可驟行時有不可遽得者用是朝乾夕惕

拮据歷朞月所鬪訟衰息囹圄空虛狡謀閉沮而不興盜竊亂賊而不作加以雨暘時年穀熟倉箱委積滿閭里庶幾與民嬉遊作息相安無事矣夫家殷人足而揖讓之象不著絃誦之聲不聞非所以昭至治也訟息民安而道德文章之化不施孝弟忠信之教不立亦長吏之羞也乃捐資構室榜曰典學書院率吾民揖讓絃誦其中相與著義考信講讓刑仁使君子入焉而有道德文章之樂小人入焉而有孝弟忠信之

西寧縣志 卷之十
思雖不能希蹤上理然於樵樸固陋之習俗未
必無小補云是役也創始於乙亥仲冬告成於
丙子孟秋地卜於東關外民廛之末築土爲臺
臺高五尺許室不過三重中爲堂後爲房前爲
門門外有古榕一株枝葉扶疎四垂陰可覆數
畝又有清流澄溪迴環映帶蒼峰翠巘拱揖秀
峙更覺一種幽致澹宕親人信可樂也因紀其
事并賦詩一章以詠之

下城崗橋記

知縣

曹鍾浩

金壇人

余蒞任當寧邑艸創之初也百務具舉將在斯
焉而一年有三月於茲未敢多一事蓋寧自西
寇頻遭又乏良牧舊圖脞削旣耗元氣新圖抗
阻呼吸不聯所患何如如人沉疴爾然欲盡扁
鵲莫措其手惟可與休息候氣脈稍蘇徐從而
施針砭不則急投之以劑其滋傷也必矣豈徒
地方修築之勞卽諸務如均里圖定保甲興學
校倡詩書蓄水利通木商剿頑逆闢險隘種種

急需一時未能頓起而魑魅之鄉人煙希曠其
抗者欲請發兵恐戕良民亦餉不給費均之無
可遽行不惟是也卽奉行報荒開墾專利於民
者呼之不出詰其故一報荒則慮委官踏驗之
累矣一招墾則慮積逋盡粘之累矣下不信上
何一事可爲哉然則寧令曾何事乎疆域五百
五十里情勢睽隔且冒嵐瘴歷崗壑分界以止
其爭殺逐都以清其里排就而追求之此深入
勸諭事也屢經殘破冊籍湮失且註人戶覈田

畝逃亡則緝其踪跡客籍則訪其佃丁取而編
記之此細數造冊事也兼之除雜派而始報荒
寬帶徵而始招墾諸務亦行於其中若僅出紙
票文告無益執現在二三里役坐公庭而敲朴
斃之無益何也皆屬他處平原與安輯以後之
所爲而非語於林箐之區羈縻之候故今者不
以糧言糧而糧漸輸事漸舉矣舌枯筆秃鬢爲
之霜至文廟之鞠艸公館之尚缺縣署之日頽
奚暇謀之雖然有斷不可緩者下城崗橋爲羅

西寧縣志 卷之十一
旁孔道衝廢歲久西水漲時文郵往來兵騎調
遣咸咎迂滯伊誰之責聚金乃辦築石乃堅募
金向鬼門攻石乞山靈正餉維艱含愁誰語減
日用節僮僕計之將終歲迨冬水涸募匠廣省
工作米鹽採石購木共捐百有十金未畢事而
奉行取之命念此爲地方修築始事也而事俱
懸凡我寧境之人以余靜而無事乎擘畫於胸
風雷鬱勃次第之有待以余爲好事乎專意休
息無赫赫名不見一事多也苦心獨喻而已矣

後之任事君子其能鑒之哉今之行也過焉未
及碑勒姑留其文付董工吏梁嘉通并詠詩一
首詩曰石在山中木在灘神輸何策問江干橋
梁不治親民職烏鵲知憐助役難鐵甕千秋名
不朽錦城萬里達長安補苴拮据星郵便頻接
皇恩北望寬

皇恩此莫實

不詳識萬里登安所直計全使
榮不亦歸只鄰身歸收世道對
首高日下亦山中才
文事博故其文計實口
對文自事其子其治

重建明倫堂文

趙震陽

嘗攷三代學校之設首以崇尚實行而文藝次之故辟雍鐘鼓爲作人之雅化所以興賢造士者本教養有素而休風至今猶可想見迨後世而風斯下矣士之窮經學古者浸失古初遺意惟沾沾於掇拾科名爲一生之學業已盡是矣庸詎知古昔聖王所以建設學宮東膠西序義何取乎善乎先儒有言曰學校者教育人才之本而倡化之原也今西寧學建縣治西新創不

百年而廟堂頽廢其廟經前邑令李君邑博譚君修復煥然而顧瞻廟之後則明倫堂基址存焉垣宇傾圮椽瓦無復存者余承乏茲土每展禮先師見輒愴然予懷旣而廣文鍾君亦時時告余言余不禁輾然念曰是固將誰諉乎而顧令其傾且圮若此是不獨多士有孤子之嘆而下民亦無觀感之自矣前東西城樓之建造爲保疆固圉之計務誠不可緩乃若縣署已朽矣行館無設矣長吏危居僦肆不蔽風雨矣議者

以爲創設整齊莫此爲亟而余則曰否否蓋寧民方罹阨危之後余思噢咻之不暇而忍以工役勞苦吾民爲獨是學宮爲風勵教養之地斯堂又爲陶淑人心之所生儒於此課業焉邑人於此觀禮式型焉遠方之民又於此聞風奮興率德丕變焉昔胡文定講學湖州設有經義治事齋日與士子究論身體力行之學而從遊者益衆所至卒成名士至今士習較他郡爲最今粵東夙稱士藪山川鍾氣孕產英俊陳白沙丘

西寧縣志 卷之十
文莊允爲一代大儒其餘彬彬雅之彥尤多寧雖
蕞爾巖邑誠能如文定之規爲創設克勤訓迪
黜浮夸而敦實學將見人才蔚起賢士誕生安
知不有陳丘兩先生輩出乎其間余聞觀河洛
者嘆明德享乃粒者頌思文地靈人傑未必不
歸美於黌宮泮水之功幸各勉乎哉此余所以
先公而後私與鍾君汲汲於斯堂之爲建亦猶
三代之設文定之志也夫

建尊經閣記

金光綬 邑儒生

閣號尊經重學也大學一章統天德王道之全
括脩己治人之要首舉三綱領次列八條目其
功始於格致其效終於治平上以紹千聖之心
傳下以啓百王之道法此孔子之所以爲百世
師也三代以前未有孔子其時設辟雍行釋奠
皆各尊其所學之師而紛而無統孔子生於周
末至漢世始見祀史載漢初高帝過曲阜祀孔
子以太牢至安帝延光三年又祀孔子及七十

二弟子於闕里魏晉隋唐以來享禮日隆於是
普天之下莫不皆以孔子爲師而孔子尊矣孔
子尊而經乃以日尊也真西山曰大學一書君
天下者之律令格例也爲人君而不知大學無
以清出治之源爲人臣而不知大學無以盡正
君之道因舉格致誠正脩齊之目剽取經傳子
史名言作衍義一書以推廣其意至有明丘瓊
山更於脩齊之下補出治平要旨以會其體用
之全經至是而尊之至矣第攷黌宮之制始於

元魏文成帝四年其制以中爲聖殿左右爲東
西二廡後爲明堂尋改爲明倫堂前爲泮水宋
太祖建隆二年詔於聖廟前立戟十六以示威
重於是乃有戟門之建又元至正二年詔躋四
配於堂上其後議禮者謂顏路曾皙淵參之父
也向皆從祀廡下今四配旣升子居父上竊慮
神靈不安請別設一室祀齊國公而出顏路等
以從配於是乃有啓聖祠之建若夫尊經一閣
則未知創自何代其或後人之緣義而起踵事

增華者乎夫聖經之爲旨也大小精粗萬理畢
具燦然如日月之經天渾然如江河之行地固
不待有閣而始尊然必閣以尊之者無亦極其
崇尚之微旨歟吾寧闢縣以來凡宮牆建置罔
弗周且獨尊經一閣猶未創舉康熙丁亥春史
侯蒞宰頗有振興文教之思於釋菜講學之餘
竊見寧庠多士七閣鎖闈而會不一售因採形
家之說鼎建尊經巨閣自秋徂冬四越月而工
竣翼然聳起鳥革翬飛舉文廟之障屏與膠庠
之壯麗固已兼備其美矣夫成巨功者必享有
其名興大役者必備傳其事無何閣甫就而侯
已捐館紀載缺如余承任監脩匪伊朝夕爰序
梗槩以誌閣之所由成俾後之君子日覩巍峩
而知經之所由尊卽知學之所由重濯磨砥礪
其爲經明行脩之士焉若夫堪輿之術理屬虛
茫夫亦存而勿論也

老綢繆桑梓樂與有成遂自捐僉捐共得穀六
百石就公館兩廂建倉四間貯之推方正紳士
勤謹里民協力管理其出納之方閑防之預公
議條約特爲勒石惟冀當事仁廉暨邑之人士
同心調護慮終善成以垂永久康熙三十九年
重陽日撰

重修西寧縣志後序

丙午舉人區孟賢 泰巖

邑侯浙東趙公重修縣志將付剞劂余公車北
歸承廣文鍾先生示捧而讀之不禁躍然曰善
哉志乎簡而直詳而不飾其不朽之盛業乎余
因是而嘆化導之功有可述而志也夫志也者
志也志至而事因之事成而志以遂因以垂諸
不朽此志之所由作也公之志余旣熟悉之矣
其甫下車也披輿圖察風俗日進父老而咨詢
之尤與二三有志之士昕夕講求志在悉其利

西寧縣志 卷之十
三
弊而整齊之起僻邑而媿隆上國也今且次第
見諸行事矣問向之艸萊未闢者幾何問邑中
之頑逋未清而告訐時聞者又幾何也夫餘糧
棲畝道在進於詩書而好義急公首倡存乎學
校公於簿書之暇較士課文崇獎廣勵尤以品
行爲最余固瑣尾寒士也首承簡拔忝爲諸同
人先聲而同人因爭自濯磨期無負作人至意
且互爲邑人倡也今日者風俗丕變山川爲之
改觀名士輩出地靈應乎人傑又况修舉廢墜
井井有條靡不煥然維新伊誰司化導之權而
整齊若此其於光大前烈而式型後起也謂非
不朽之盛業乎哉茲奉憲行纂修志書亦古者
省方問俗之意惟事因志成而志可大志由事
遂而事可久者始無負聖天子化民成俗之任
而太史採風斯賢書亟上焉則是志之成也寧
獨爲僻邑之前者必彰後者必傳而已哉謹拜
手而爲之跋

塹雞暴諸山六百餘里又合車涪之水至橋下
隆冬流涸揭衣可涉夏秋潦發忽長丈餘湍急
如雷行人頻顛則橋之修誠不容緩趙侯慨然
捐其俸入命工修築委任耆民梁材昇等皆老
成諳練先取山石牢砌兩岸乃以水松大椿盤
基河底植鐵力木爲柱架橋梁鋪厚板橫闊八
尺直長四丈五尺經始于丙午之冬迨丁未之
夏潦水大至而橋適成庠中諸子從余往遊則
見長橋跨水儼若垂虹水啣兩岸將與橋平旋

武至盤古廟之高原徘徊四顧東眺華表石巋
然在望則凌開府闢地立縣之所紀績也西見
圳水洋溢田疇則林侯開鑿灌田以爲民利者
也又見徒者負者耕者樵者熙熙攘攘度橋而
歌使人問之歌猶不輟耕者曰昔往田中水沒
股今自田回無所苦有時橋上見乘輿君侯利
濟何其普樵者曰採樵歸不憚晚昔危橋今巨
版橋成澤及我窮民仁恩大道同平坦有一叟
向余而言曰旱潦不時下民其咨去年大旱趙

西寧縣志 卷之十一
侯步禱得雨今歲淫雨潦水頻至微此橋吾儕
將何賴耶余曰汝兒孫讀書乎叟曰向罔聊生
奚暇及此今也政簡民安且作興鼓舞多方教
育鄉塾書聲處處聞矣又見男婦數人逐隊負
薪問而知爲遷徙之民也余曰若輩苦乎對曰
誅茅而居墾荒可食樵蘇以爨無苛政也因顧
諸子曰敬而識之非撫綏有道何以至此爰入
廟旁書舍索紙筆備紀其事而歸後邑人謁余
請曰趙侯築橋美舉公其知之矣欲勒貞珉垂

之有永敢丐公一言以志不謾余曰趙侯美政
豈止一橋哉邑令與民最親有愛民之心必有
愛民之政今爲令者唯知嚴催科以塞其責促
飛輓以見其長民間疾苦不暇計平政之舉不
暇施何以息怨咨而來頌祝也斯橋之圯已久
而趙侯亟亟修之免民於病涉而予以周行也
民之歡頌其能已乎余嘗遊橋而聆頌美之歌
於一端而見數端焉頌祝之聲尚有未罄焉者
則謂此一橋也與凌開府紀績之石林侯灌田

西寧縣志 卷之十
之圳並傳可矣余不佞弗能揄揚其美但述曩
所聞者以復邑人之請

重修教場碑記

綴應善

歷稽教場之由來者原為簡閱訓練明賞罰一
乃心禁奸慝以子元元非兵不可從愛民以治
兵而治兵正所以衛民也寧屬羅笏要衝萬山
疊障千里延袤狼狽獯類雜處其中界逼岷藤
萑苻嘯聚素非戒謹禦侮何以救寧境土舊有
亭塲歲久敝壞兼之西潦淹浸牆壁欹斜柱桁
腐朽豈稱肅軍容而嚴師旅惡能安集以樂耕
桑耶余於

西寧縣志 卷之十一
今上二年癸卯秋初蒞寧任事操演防守寒暑
不辭日覩壁柱傾側坐上時懷厯心倘若稍再
因仍風雨立爲頽圯余乃捐資鳩工拆卸添庀
磚灰瓦料堂壁臺榭一起而新修置屏風拓其
後地剏建房舍聊堪整暇材良工堅用垂經久
一舉而數事成備雖云倡之者余而和之者千
把等員相與樂成董其工者則百隊等均有趨
事效力之勞例得並書以誌不朽

改修文昌橋記

知縣 王 鉞 瑯琊人

余旣改李官來令山城于巳酉之四月抵任夙
夜永矢每以念民依凜天鑒爲兢兢其于邑中
事毫不敢以已意預也顧可喜者其民淳其士
樸其輸糧恐後而且鄉無異產市無長物又無
舟車驛騷之擾與夫征發期會之煩蓋土瘠而
民貧故一切皆無若此余旣幸其地之可以養
拙也又一切澹漠與爲無事越明年庚戌有告
余以文昌橋者謂橋之砌石利遠始于前賢蘇

西寧縣志 卷之十
公顧猶有所未足者貫木往來頻煩補葺近且
石缺木壞矣余驗之良然因念前賢之砌石也
不易今爲之修補爲之增高爲之架梁而施板
焉爲之結檻而覆瓦焉厥功匪難而無墮先賢
舊蹟不致病涉後人此亦事之可爲者也而乃
因工于橋因租于祀不費民間一手足而浹歲
告成計廣十尺長百尺有奇往來之人便焉負
者擔者廕且息于其下便焉嬉者遊者登且眺
于其下便焉余固無有也又明年壬子寧士得

雋者二邑之人用形家言又歸功于此余益不
有也而邑之人則速余記之不巳余則何紀哉
橋因之蘇公余旣不敢掩人之功以爲功雋卜
之二子余又何敢貪天之力以爲力余則何記
哉雖然有說焉橋之成成于蘇公也橋之修修
于蘇公之田也若夫清其租而無廢乎其功全
不過一綜核之勞耳憶朱文公之記上清橋也
欲後之君子知其成之不易相與謹視而時修
之夫苟謹視而時修之則此橋之利賴寧之人

與士者且數世而未有已也蘇公之橋與租固
在後之人豈難一綜核如余哉則蘇公不替美
于前矣因具述文公之旨而為之記以塞邑人
之請而為後君子勸

改修文昌橋記

儒士 蕭士濬 本邑人

縣郊有水焉由西環南以出合諸細流而東為
文昌江越江而達羅旁為寧孔道自開縣來構
木為杠勿禦潦虐邑之先牧有蘇侯者憫民病
涉捐俸倡義於明萬曆辛亥去縣一里鳩匠砌
石有四約高三仞貫木以通往來沿昔而名是
為文昌橋橋成民以侯多惠政建祠東四里隔
江之廻鑾棠蔭浮青與橋相望侯復捐俸置田
為橋計甚遠嗣而洪潦莫撼間有石缺木壞則

仍舊補葺侯之創澤幾成絕響也越六十年瑯琊王侯來令是邑庶政旣和兼舉形勝乃廣蘇侯遺意查租借助改爲陰橋每石加砌二尺搭木施板其上廣十尺長百尺有奇兩翼構柱結檻覆以椽瓦飾以丹雘經始于康熙庚戌一之日迨辛亥秋告成虹勢凌虛祥光宏映若塞此方之空闊抑形家之言曰天門欲其開地戶欲其閉縣以文昌下江爲地戶昔人曾建高閣於縣山之下關奉文昌神像以鎮之其寓意自微

後以羣材就敝當事者不察遽遷於客山蘇祠之後閣而文昌舊宇以廢文昌之江亦從之不可閉矣顧善作不如其善成修廢莫要乎通變王侯才濟巨川游刃小試構此與梁頤覺橫江雄鎮利涉回瀾連昔下關建閣之意一舉而兩得也蓋天道六十年一周三十年一變寧縣之關領鄉薦不乏獨乙丑南宮一捷未有繼其盛者已四十七年卽鄉舉自辛卯科而後賢書寥寥或間二三闈始登一士誠山川之氣蓄之不

足戕之有餘是役也王侯酌人事而補天工於
蘇侯六十年之後正會乎天道一周贊天一變
以振茲文明也故明年爲壬子科一舉得雋二
其戕其變有明徵矣則由此以踵乙丑之捷源
源其濟美者寧得而限量哉濬愛是橋之曠觀
嘗徘徊其間則見明月清風挹取不竭輕煙薄
霧澹宕尤奇於是擬一景曰虹橋煙靄居新擬
六景之一作俚語以歌之復求諸同人以和之
正藉表我侯廣蘇侯之功大有裨於斯文不謹

舉行王政設涂成梁以便行人已也又竊冀後
之賢宰仍廣王侯繼蘇侯之志留心備繕永砥
中流其爲寧嘉賴者可勝道哉偶父老舉濬爲
志羣念橋竣旣久王侯不自居其功未勒一言
以記恐盛典失傳功忘所自朽不知繼因屬其
記於濬濬曰此素志也遂不揣不敏僭爲筆於
輯志之局中

西寧縣志卷之十一 藝文
學嗣而生齒日繁英秀日盛平分土著附籍兩案分題考取進學歷有成例及西寇犯城土人遷避冒籍夤緣順治十四年一案土著進學止區孟賢一人十六年一案止黃道弘一人於是土附不分土著盡被冒籍攙奪案發之後竟不到學致黌宮寂寥駿奔乏人茲據闔邑里老聯呈懇復土附分案舊例實就地掄才鼓舞觀成之道也况近蒙作養教育土著人才蒸蒸日上進學額止九名卽以土著充之有餘矣但西寧

原有附籍之例難以遽絕詳懇

學憲分題考取土著附籍進學各半令土著得以自見不爲附籍所抑庶不失設學育才之意而黌宮不致寂寥矣蒙批看得西寧自前朝萬曆五年削平猺獞之後始立縣治時戶口初定文教未開而學宮不可無人故暫令外籍寄縣與考以爲興賢育才之基萬曆二十六年知縣方大復見本縣絃誦日興乃議以編戶斯地爲土著而外邑寄者爲附籍申詳

院道批允分別土附並錄業有成例卽我朝初年亦相因不改後以西寇蹂躪士民流移未集遇試盡爲冒籍者混濛進取本邑子弟歷案僅止一二大有寥子之歎今士民復業勵志力學者多若仍冒混是使固陋之邑士氣淹抑文教不宣此里排父老所由痛心扼腕聯名呈懇者也夫蕞爾初創之邑其人文自難與廣屬之五大縣媲美匹休若不就地掄才勢必盡歸寄冒其何以甄陶士類而鼓舞下邑哉且寄籍

者一得案發錄取足跡不到學宮卽春秋祀典駿奔亦至乏人更非設學育才之初意矣今治行日久寄籍亦難槩絕合無依前方知縣詳允土附兼收之例入庠各半庶薪樞能皆適用而小子咸蒙有造之恩矣蒙

本州批 憲法嚴禁冒籍惜地方相沿未可同日語耳據詳分題分案既有舊例可援仰候學憲批示明允仍具文報州行繳蒙督學道批詳行康熙七年四月內爲採訪事蒙

仁臺申詳條陳四款其一文教之興不容緩也
西寧新創未久向固鄙樸無文近且絃誦日漸
聞矣然在學庠生多爲外屬冒濫土著稀少卽
春秋謁 文廟行釋菜禮至執尊獻爵者恒乏
其人今科考試因地方父老紛紛控訴卑職以
土附二案分取請詳 各平無濫黜誦音錄出而
學憲業蒙批允行正士風丕變之一機也誠恐
附冒之弊行將復滋而固陋之習終以不振非
奉

憲臺金批勒石永遵能保其久而不變乎必須
嚴爲禁革而有待於鼓舞者此其要矣蒙

撫院劉 批童生考試分別土附是在該縣力
行可也九臯等見得風化所急首重人才人才
所勵先闢士路西寧土著被冒籍攬奪握腕已
久幸際 仁臺加意作人詳復土附分案舊例
上臺批允本年三月蒙 學道考入真實土著
童生歐羽聖黎韓陳應春梁宗孟送學肄業業
有明效誠恐日久廢弛侵冒復滋有負作興特

西寧縣志 卷之十
典懇照詳文勒石遵守庶人才咸知鼓勵風化
從茲丕變矣

康熙七年秋七月吉日立

分別土附初詳

知縣 張溶

為冒攙貨賣壞例阨士乞詳禁截事看得儒童
考試由邑而郡由郡而道費芸窓幾載之揣摩
歷試場數次之艱辛始得躋入泮之階然得售
者寥寥遺棄者比比蓋原許以本籍赴本邑之
試惟西寧向因故明萬曆初年新開荒徼土附
兼收分別取送但所謂附者有田產在此處而
身居鄰近他邑之儒童舊例暫許其與試從無
並非寧邑納糧之士民實係外郡外邑棍徒銅

西寧縣志卷之十
三
臭之輩既縣案無名忽夤緣送道神奸百出冒
進寧庠卽送學之際甚多不到一應祭丁公務
亦足跡不至按冊則有其名而實皆外處豪強
勢要之子弟濫竊黌宮上干
功令下奪士氣豈以
聖世右文之際而可姑容若輩之逞奸射影耶
卑職近閱 邸抄有順天學院董 參革青縣
武令宣府程同知俱因冒籍儒童現奉
嚴綸懲究茲據儒童某某等連名合詞籲請卑

縣仰體

憲臺作興人才之盛意擬合詳請伏乞
憲臺俯鑒瀧西歷來積弊於科試羅屬童生時
必需本縣廩保凡縣冊無名及無本縣廩保而
州冊忽增入者此皆外郡外邑棍徒銅臭暨武
弁憲役倚勢鑽營妄翼倖售而阻奪孤寒之輩
許俾職親身赴轅門送試公同首縣一齊點名
遇有前項之徒卽時擯出將保廩與父兄等嚴
行查究照

新例擬罪懲一儆百庶寒儒有寸進之階不致
 士氣阻奪而奸棍杜倖進之弊於以鼓舞人才
 振興學校除寧邑百餘年之陋習儲將來菁莪
 棧樸之風氣有關名教鉅功匪細豈卑職一人
 感頌即寧邑孤寒眾士俱沐 洪慈于奕世矣
 等因於康熙二十二年十月十五日申請
 廣東提學道僉事于 批冒籍全書首禁西寧
 既有土附兼收之例須有田產入籍久住者方
 准收考該縣留心人才亦須極力澄清考談大
 典該縣原有提調之責送考點名其職然也俱
 如詳行繳

取籍戶籍

典考錄原不異國之貴者其籍亦出冊

西寧縣志卷之十 附次詳

為冒攬貨賈壞例阨士等事覆看得西邑士附
 兼收一事昨歲據儒童等公詞籲懇卑職具詳
 既奉有田產入籍久住者方准收考之
 憲批在案此真瀧西寒士得沾黍谷之生春孰
 敢不奮勵以圖寸進但查本州考取送
 憲名冊共柒拾名並未分別士附致各儒童復
 有哀籲之公詞况寧邑額數八名近自卑職蒞
 任以來仰體

西寧縣志卷之十
藝文
五
憲臺鼓舞人才之意多方作養極力勸學文風
漸次稍振非復軍興數載以前絃誦無聞者
比今茲科試應否邀恩俯鑒如額取八名或土
五而附三或土附均半不致有客倍於主之歎
俾孤寒得以振拔則寒士將出矣
憲臺之造福瀧西永深焚頂矣合將各童分別
土附造冊同繳伏乞
憲裁酌取等因于康熙
二十三年三月十一日申詳
廣東提學道僉事于 批如詳酌行繳

清釐童生冒籍詳

憲字係文宗諱凡應稱
憲臺俱改天臺台臺

為

歲

額天嚴攻冒籍考

等事查看得西邑縣治乃明

季萬曆初年新開荒徼其土地人民俱係別屬
割撥向來童生考試土附兼收分別取送從前
學臺考取入泮亦已土附分收相傳已久舊案
俱存凡有田產并居住西寧者為土著其有田
產在西寧而身居別邑者為附籍至於無產無
家假借籍貫不由縣試冒籍寧邑者比年以來
不一而足迨入泮之後足跡不到寧邑誠有如

紳士區孟賢等童生彭士魁等之所言者若輩
既不知其籍又莫考其人其間或有刑喪頂替
與夫緣事黜革更名重考以及倡優隸卒之徒
皆不可知以致寧邑學宮按冊而校多濟濟之
子衿循名以求實寥寥於黌序無怪乎紳士童
生等激切呼籲也茲逢

天臺加意遴才秉公作士正力學食貧之子得
以揚睂而繩樞甕牖之儒於焉吐氣也擬合詳
請

台臺電鑒詳內情節俯查縣考名冊嚴革冒籍
諸弊庶

台臺振興文教之恩廣被瀧西而儒生沐浴作
人之化永鐫肺腑矣等因于康熙二十四年七
月二十三日申詳

提督廣東通省學政道按察使司僉事裴 批
土附均收歷有成例清查冒籍應自該縣始如
詳行繳又蒙

廣東羅定州正堂加二級劉 批郡縣試拔儒

西寧縣志 卷之十
童原貴清釐冒濫登進真才詎容若輩百計鑽營僥倖竊取甚而縣冊無名濫入州案致奸童售名頂替種種等弊以

朝廷科士掄才之選竟爲若輩居奇貨利之藪殊足駭歎本州念切孤寒務絕諸弊仰候轉詳繳文外永記

請除附藉詳文

知縣史筆

爲舊習幾同膠柱因時宜酌變通懇賜申詳永除附藉以杜冒濫以養宮牆事據童生某等呈前事稱西寧建縣之初其時膠庠甫設考試無人原撥別屬生員克鎮翼宮故其親族子弟遂巧立附藉名色均得相隨與試此草創之初局也其後人民廣集生齒日繁教化漸開書聲迭起奈緣附藉名色從前久已相沿而冒藉奸徒仍得借端假托夤緣攬奪百弊叢滋卒致土著

入學歷案全無庠序空虛駿奔缺禮因不得已而乃有土附兼收之請詳明 學憲分別卷號各取其半此後來之變局也邇者服習愈深文風丕盛歲科兩試應考童子不下五六百人即使額取八名盡屬土著猶嫌未足何堪冒藉借端又復爭割其半耶查土附舊例原以有藉有家者為土著有藉無家者為附藉夫所謂有藉者乃久經編立戶甲催糧應值有名而非僅有田地之謂也若西寧附藉則不然但買數畝之

田便得與試無論其家任何府何縣往往今年買田明年即考一人買田舉族皆考甚且有射利棍徒賄借他人文契更易姓名引例混考倖得取錄起送即與附藉廩生通同認保或臨場換卷作奸或貨賣任人頂替以致外屬娼優隸卒之徒一槩無從稽攷有干

功令滋弊實多若不痛行革除必致大乖學政况土著考試有人亦宜變通舊習只得聯懇仁臺俯賜通詳永除附藉俾土著得沐甄收養

西寧縣志 卷之十
士別奸兩有攸賴再者清釐冒濫全在保結廩生其附藉廩保多是以冒包冒嗣後考試保結槩用土著廩生以專其責倘有包容作弊一併申詳究革等情前來據此該卑職隨看得附藉之名諸州皆所不載而獨見於西寧者大率因闕縣之初應試無人故作此權宜之計耳近者地運日興文風浸振卑職昨於歲考時收閱童生試卷不下五百有奇其間條暢清通堪於取錄者實已踰乎制額則自茲而往似無煩借石

他山儘可備攻其玉矣茲據童生某等聯呈前

來相應詳請 憲臺懇念山邑單寒久被冒籍

借端攬奪自今以後永除附籍名色以清向來積弊至保結廩生應否均如所請槩用真實土著不許附籍混保如或故犯許卑職按名詳處俾山陬下士得邀雅澤流行而 憲臺之恩波當與錦水同長矣康熙四十七年六月十八日詳奉

學院樊批如詳永除附籍槩用土著廩生保結

繳劉安典取符未創州縣聖恩土深事本於高

新本...

當與險水同其矣東照四十五平六日十八日

神山刺平士...

善不惜...

蘇...

昔...

來...

山...

請祀陸大夫名宦文

知縣 朱謀堡 新建人

為名賢功著開先祀典理宜崇報以光前史以

飭文治事竊照西寧隸在南粵雖僅一隅古蹟

留自先朝厥垂千載遡尉陀崛起之日猶是行

禽逮漢高招懷以來始稱影國數傳而後一統

遂成緬維衣冠開闢之首功誰居尊俎折衝之

勝算有漢大中大夫陸公賈者望隆儒術德稱

帝師當馬上功成之時侃侃陳詞能回人主嫚

罵之習暨新語奏聞之際洋洋傾聽至騰左右

歡呼之聲筮仕三朝入粵兩度爰考昔時之版籍載稽當年之程途漢定都於長安粵接壤於桂嶺使車之所取道持節之所先驅維此羅旁舊名瀧水載在圖經一一可考徵諸故事灼灼有憑其奉命而來也祀江頭之巍石許以文錦繡衣之榮其報命而還也栽滿岍之奇花酬其寶劍千金之贈自茲蠻彝歸命戎索傾心豈唯奉使專對足稱漢廷一代之名臣實則用夏變彝允爲南中百世之教父然則今日嶺南之盛

珠幾象犀所以克貢於天府英賢碩輔所以作楨於王家凡在全粵固宜處處有甘棠蔽芾之思惟此西寧尤當人人具畏壘尸祝之戴者也卑職捧檄初臨下車首訪瞻廟貌之零落觀黌序之淒涼查從來成例每學設有名宦鄉賢春秋二祭一體舉行西寧獨寥寥不備心竊悼之因念此雖下邑僻陋之鄉未能具犧象以成禮至於大典崇替之故亦當存餼羊而興思近代既無其人將來浸忘所自况現在之父老子弟

平日絃歌之雅化未孚而錯處之谿蠻峒丁舊時魑結之陋習不改如陸公者明德具在高名永垂以茲崇報之常儀兼之風勵之微意倘亦祀有常而無廢禮無遠而可遺者也恭遇憲臺文章司命理學主盟空谷幽巖哀采不遺於微細高山喬木表章特隆於典型伏乞照詳俯准置主擇日迎入學宮永遠崇祀庶神有憑依人知競勸矣

勸諭頑甲告示

知縣 李翼鵬 燕南人

完糧乃保家之要積患非存身之圖再陳苦口良言各宜三思敬聽事照得下五都懷鄉等處遠隔一隅往返迢遞向來輸將艱難自遭變亂以後漸而負深阻遠追呼不靈錢糧不納積欠成頑積頑成梗致歷來縣官皆受考成之累皆有梗抗之詳上臺耳目久以頑民視懷鄉一帶矣頑之一字是何等名聲而爾等何安然甘受不思改變也至前官親徵止緣催比無序乃敢

西寧縣志 卷之十一
變起倉卒搶奪公行則逆矣事發之後道臺告
戒屢頒不思作速完糧以蓋前愆則愚矣至本
縣蒞任以來每覩上行嚴切極爲爾等寒心屢
次曉諭勸輸不啻唇焦筆禿乃言之諄諄聽我
藐藐日延月引以及於今竟無一里一戶肯盡
數全完一似王章國法竟不可行於懷鄉片土
然者則又狂惑之甚矣目今車書一統滇黔底
定無叛不除無逆不剪卽如秋間海寇竊犯江
南勢似猖獗大兵一臨立行破敗煙銷影滅有

如拉朽而爾所見若羅張等寇依山險阻跳梁
自恣曾幾何時悉皆授首又近日文村等寨巢
穴淡固自謂足恃值上臺決意剿除無不破滅
此皆前事之龜鑑也爾等彈丸掌地自度強梁
慄悍孰如此輩輿圖險隘孰如此輩而可任意
頑梗不遵上法至此乎幸三院仁德好生包荒
覆載猶慮玉石不分故憲批行縣勸令完糧並
確查頑梗的名里分具報然後用法處置此乃
嚴中之寬威中之愛而無知之徒反爲懲勸不

分一頑百效何意見之左也不知積惡滅身積患破家到頭有報只爭遲早上臺行事卽天道行事也本縣叨司民牧端意撫循惟願化逆爲良保我赤子故屢行勸諭不啻垂泣而道懸望完糧不啻心急如火皆爲保存爾等起見欲爾等自知着緊也向慮道途遙遠輸納惟艱前已發單付各千總就近催收至今解納寥寥猶是延推故態全無自爲心腸誠不可解豈各總奉行不善致爾等未諒本縣爲民苦心耶抑尚有

所需索使索陋規致爾等不肯向彼投納耶今歲已將暮矣憲行查檄完欠里名正在此時不容更緩矣特移文潘守府行催發單付的當吏役到營聽爾等投納秤收繳解又慮五年並徵爾等一時難措已宛轉詳請上臺將十二三十四年分暫爲寬容只責現徵庶易全完合示諭各里排人戶知悉各宜仰體本縣委曲保存至意速將十五十六年分糧米穀艸四項正供立刻盡數完納本縣卽以爾等樂輸服賦格面

西寧縣志 卷之十
格心之美申詳三院銷繳行查兩案免其究處使家安業保永爲良民如再執迷不悟一意頑抗本縣卽於年終按據各里額徵完欠數目申報聽候上臺處分安危之機實在此月關頭誠不可不懼而知醒悟而思改也今水師陸兵分鎮東粵兵力甚閒梧協高涼羅協威行甚近若至用兵三路齊發雖有翼難飛竄身何地此時欲爲朝廷百姓欲爲本縣赤子豈可得乎苦口良言盡吐於此各宜熟思毋致噬臍可也

西寧縣志後序

鍾光斗

夫列國有史郡縣有志者用以彰往法來備觀省昭勸戒也昔紫陽朱夫子守南康下車卽詢郡志識者謂其知治體然必有博通瞻敏之才經綸匡濟之學以集其成爰引懷鉛握槊者相與考古徵今訂訛校謬芟異從同使詳而有體約而能該質而不俚華而不蕪斯稱善舉耳趙侯以大邦名宿來宰西寧政美人和念邑志殘缺久欲續而輯之而適有上臺行修之命去冬

西寧縣志 卷之十
余自省回署侯謂余曰侯先生久矣上臺命修
邑志董斯役者非先生而誰余自顧謏劣欲輯
家譜以顯前修猶逡巡未就况邑志乎然備員
膠序職不容辭乃召諸生採故籍採新聞按所
遺亡列其款例甫成一卷錄呈於侯蒙字櫛而
句比之余私自喜曰得所師矣自二卷三卷以
暨十卷莫不皆然時郡丞蕭先生解龜林下每
欲商確輒籃輿而至區孝廉公車歸邑所參訂
者尤多若夫筆削裁定必經侯之手侯而語余

曰先生修志賢勞茲成書可觀爲下邑光歲值
廷覲將以上報于朝先生之功豈容泯歟余聞
之汗浹背心怦怦惟弗稱是懼幸有我趙侯以
博通瞻敏之才經綸匡濟之學爲之筆削裁定
業已成書付劂刷氏凡十卷一曰輿地志其目
十觀之則知疆域都里之遠近險塞防汛之緩
急風俗治理之先後而區分聯屬約束化導之
道備焉二曰建置志其目十有七觀之則知塗
墍丹雘重者大者宜亟圖輕者小者弗容廢而

振俗宜民之道備焉三曰貢賦志其目七觀之則知國計之不容緩民脂之不可竭而催科撫字之道備焉四曰禮儀志其目三觀之則知鄉邑儀制俱弗容愆有其率之無不從矣五曰秩官志其目四觀之則知大小職守俱弗容曠有其先之無不應矣六曰選舉志其目四觀之則知客籍之彥已爲着鞭之先土著之英亦爲竝驅之駕而育才勵士之意存焉七曰兵防志其目五觀之則知今昔兵制之因革統轄戎政之

詳畧而居安思危保治未亂之意存焉八曰宦蹟志九曰人物志其目各二觀之則知前人之懿德必揚後人之儀型以立而觀感勸鑒之意存焉十曰藝文志其目五觀之則知文以紀事而政治之要可鏡焉歌以永言而風謠之美可采焉總而觀之庶幾乎詳而有體約而能該質而不俚華而不蕪矣侯每遇公餘時具杯酒相勞語及民風士習恒殷殷在念也曰桑麻之樂利亦日聞矣抗逋頑訟之風少衰息矣絃誦謳

吟處處然矣必也舉科目顯榮節烈氣義之事
詳載書中啓後人之鑒觀者興詩書而敦禮讓
習尚日由以化文教日由以起革薄從忠披華
斂實使僻遠之邑與鄒魯吳越比隆端唯此書
是賴豈第以一邑觀美爲哉由此言之趙侯之
化成一邑績見乎書行且大展于天下將以牛
刀游刃而西寧獲先被化民俗茂盛士風丕振
選舉賢淑後不勝書皆侯今日之所貽也余不
禁揄揚其盛亦以抒家庭誦讀之素少效職分

萬分之一因歷敘其槩附于末簡以傳不朽云